





靳兩城先生集卷之一

哈佛大學  
圖書館  
藏

崇志賦

東魯靳學顏著

陟墳素之英丘兮覲先民之所營性何加於潛  
見兮道何移於凋榮或萬駟以策駿兮或一表  
而拾穗或瓊屈以虬媚兮或龍游而鳳噓彼至  
人之獨往兮委天形之外心載營魄而抱一兮  
恒谷虛而淵沉覽萬物之細大兮翔方外之寥  
廓遺景濯其若脫兮背槁梧而向虛怪披予襟

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
OCT 5 1939

靳兩城先生集卷之一

崇志賦

東魯靳學顏著

哈佛大學漢和  
圖書館珍藏印

陟墳素之崇丘兮覲先民之所營性何加於潛  
見兮道何移於凋榮或萬駟以策駿兮或一裘  
而拾穗或夔屈以虬媚兮或龍游而鳳噦彼至  
人之獨往兮委天形之外心載營魄而抱一分  
恒谷虛而淵沉覽萬物之細大兮翔方外之寥  
廓遺景曜其若脫兮背槁梧而向虛壑披予襟

於神颯兮晞予髮於晨旭沂凌風於暘皋兮吸  
霞漿於幽曲激流吹以張樂兮揭蕙英而為幄  
眷天路而邀朋兮謝人境之囂俗忘歲年之冉  
冉兮永在澗而弗適玩蒼雲以舒嘯兮指白日  
而申歌

竹菴賦

夫何一鉅人兮懷嘉遯而離居結華宇以抗志  
兮肇中江之奧區曰蒼筠其信好脩兮嗟予去  
此其焉朋縑金盟以矢日兮原儷節乎堅貞其

載倣也襲體練吉銓辰考躔既面勢以永臯斯  
規倂而畫班蔭井參之靈宿浥團岳之神屢華  
萼鬱其軼雲禪盈縮兮雙泉沃澤塊北以瀏濫  
兮菱蕙緜兮脩阡其為制也象乾為圓則坤效  
方雲兮陽曜遽遽陰蔽延墉廣除曠况周章糝  
蘭雜蕙欲壁啣璫芝栴文穿曲枅層櫺挾振宵  
倏而吐納跳丸兮榮枯璀璨而次舍乎斗樞䟽  
寮爛朗以電烜兮結綺被麗而連珠迺有嶰谷  
之靈管蒼梧之幽姿曰篠蕩與篔簹既傑僂而

參差挺菌輅之竒幹偉蒼筤之麗質上干蔽以  
下託生不扶而自直靈根詰屈以虬偃今纂瑤  
實而鳳食洵謝氛以為囂今斯仙園之所宅也  
何慘廩以寥寧兮嗟福庭之孰闢也紛摠摠其  
晻靄兮建霞幪與雲忻駐翠鸞之萬駟兮樹蒼  
旂之菁英美夭矯以黝糾兮飛流霰而蒸露爾  
其微颺起青蘋之末洪颺激大嶽之巔既澁澁  
而翕習儼糾鸞其不翩方且撫龍脰兮理冰綸  
招閭闔兮賓南薰復激商而切羽神飄飄而欲

震爾其殷其山兮山陽有滄兮南浦下綠簿其  
如篲上紛披而容與婉湘妃之幽泣拂翠裾兮  
無語方且折瑤枝兮將賜步瓊欄兮誰須忽逸  
若兮馳想俄蕭條兮佇思爾其霰維先集雲兮  
旣同錯碧葉而踈玉柯汨磴磴而玲瓏方且發  
黃臺之謠鼓幽蘭之樂嗟波詭兮濤譎疑翔鷗  
而跼鶴爾其皋禽警露若英翳陽蟬媚媚其委  
照流鵠曜而燭光方且調曲沃之懸匏瞻彼美  
兮如玉形若逞而中留聲似斷而復續若夫炎

德司辰朱明啟節奠三筴而既零蒲九華而狎  
獵芙蓉疏茄而冒瀾兮紫莖傾陽而布芳龍孫  
蔚其林丘兮鳳毛旖旎而幄張乃有倕仝襍襪  
以調鼎伯僑盈盈而進觴姪女倡兮脩態五音  
紛兮咸將君胡弗兮壽考胥忻忻兮樂康於是  
真朋攬博羽流顏酡洪厓揆梓赤松按歌歌曰  
玄瞳綠髮服歲蕤如驚若翔澹忘歸虚心直氣  
神所私孫拓子引含休滋千秋萬歲常若斯

別燕賦

懿予邁茲隆會兮覲姬周之昌斯仰六龍之蹶  
蹶兮於天衢而紛披方震交以鼎新兮藻中葉  
之鴻徽躋元凱之多儔兮尊坤軸與乾維被含  
靈與蘊性兮眷登臺而熙熙雖萎卉之微命兮  
媚淋景而華滋蹇予侘傺以湛憂兮羗遐察兮  
奚為行不知其所底兮止不知其所居事有激  
而難當兮衷猶豫而狐疑欲臚情以何辭兮拊  
予心其猶未知予將謁於詹史兮假泰筮而問  
之詹謂予以何宜兮舍觀生而願違夫不揆予

情之所寄兮雖姱鮮以馬禪苟予情其洵適兮  
利肥遁以自頤亦從相於唐舉兮舉教予以所  
宜協予夢之符節兮又證度乎龜枚索篋茅以  
筵筭兮咸於徵有勿疑匪予情之所寧兮孰明  
神之我移予迺涓元辰而履吉兮俶理裝予長  
徂行返予之初服兮曰歸來兮吾廬目冀野以  
縱矚兮別青蕘兮神區謝麗光於日表兮絕厲  
響於天末結予軫於膺原兮撫予劍之的爍睨  
太行之南峙兮勢逶迤其送予居庸巋截以

愁兮鳥驚鷺而不下易水泐其流澌兮衝風振  
而波鳴涉廣運之靈川兮會羣液而奔騰吊金  
臺之就夷兮問劇辛之孰是懷伯樂而不遇兮  
慙伏櫪之綠駟

寄弟賦

歲旃蒙以協洽兮予既冠以三祀序玄冬曰暢  
月兮宿回天而窮紀羲鞭疾而力馭兮悼白日  
之飛矢愧予獨泥此遐方兮時貞元之際交地  
曰左滄溟而背北陬兮昔燕冀之故郊玄霜凜



其疑冰兮風颭颭而如刀  
寒予退避之既拂兮  
固觸藩之取羸恐脩名墮而莫立兮  
暢將來之威蕤竊鼯鼠之窮技兮  
舍靈龜而觀頤詎射雉以田獲兮  
又一矢之見遺有善相曰惟孫陽兮  
夫執以千金捐而不靳也矧夜光之擲暗兮  
有不拊劍而驚問也昔呂望亦云其賢聖兮  
迄老耄而不振夫匪夢占以為褰脩兮  
孰渭湄之可奮也何彼人之僇疾兮  
羗儂巧以韋脂紛沒沒與時狗兮  
乃伊慙之自貽傴僂以為虔渙忍以

為車兮曾淪胥之不知悲風靡靡而遂其長往  
兮昭予志之不比衆熙熙以登臺兮獨怕兮其  
未有寧匏繫而飴甘兮不脫囊以自揭也誠操  
予而非時珍兮又鑿枘之弗接也大厦危而霖  
淫為之虐兮樹一木而效功不可為也負翰音  
之登天兮衆啾啾其予嗤也朝白眼以睇空兮  
疑雲鬱而不流夕步月而舒嘯兮分形影以為  
供月團圓以揚休兮零曠四塞而為憂相銀河  
之迴淼兮誰一葦而可浮彼女媧之鍊石兮苟

於理而不誣洵神謀之可參今請為梁而造舟  
眺西山之岬岬兮驚遙岑之落木瞰易水之寒  
澌兮下冰凌而淵泐願言矯舉兮行將返吾初  
服繫解纜乎潞渠兮蘭櫂折而不前或脂轄以  
南驚兮輿脫輓而不軒墳衍漭沒而難踰兮林  
森森又交莽愴盧溝之衰延兮誠限我以脩阻  
故山杳而莫予覲兮想像殷而夢之鶴輟舞而  
不鳴兮誚匪石之竟移昔垂堂亦云有戒羗千  
里而自羈星流易而火四鑕兮曾違顏以少時

棚蒿葦息巖墻兮下沮洳以濕湫俯八尺以鞠  
躬兮允矮屋而低頭塵囂囂以盈前兮沙飛飛  
而壓幃曾出納之幾何兮日會計而親籌神勞  
勞以逐物兮心中夜之調調魂恍怖而不宅兮  
情絳結而弗釋腸一日以九迴兮衷揮霍其駢  
集畫倚窓以寄傲兮步儻徊以盤桓宵攬衣以  
徬徨兮坐清帷而永嘆聊斜日以登樓兮撫桂  
檻以凝想揭四宇以流盼兮孰予志之所仰落  
霞散而為綺兮窮曠入而曷居見鴻鴈之嘈嘈

兮離羣醜其焉徂感鵠鷁之相從兮迷宿靄以  
殊途號寒原而偕求兮悶恇恇其慘予氣愠愉  
以填胸兮泪淹頤而橫臆夢虛隨以跋涉兮思  
潛隱而罔極亂曰真宰運機玄之又玄兮生化  
感遇誰識其顛兮忻悲移人我得厥緣兮歸歟  
兮袞吾廬與子俱兮

蘭淙賦

嘻灑氣之沆陽兮結崆嶺之靈嶽沛滋液以溶  
漓兮浸鴻龐之地絡罽罽石室以綏綏兮源淟淟

而星錯爾其肇太一於道始兮來無因而有象  
越既漣而無放無限垠兮詭不知其所徃洵斯  
嶽之蘊靈兮含洪澤之泱泱既昭鑒於漢牒兮  
歷墳史而如掌表金城於遐境兮抗輿圖之獨  
壯若乃丹梯岵嶸以劣削兮上既造天以抗霄  
嘉林宿莽鬱森森兮又蔚蒼乎中坳下瀰瀰以  
縈洄兮信玄情之所遭瀾潼潼其濺壑兮波淫  
淫以摧麓湍崩峭以宕礪兮渦渟滴而轉轂涓  
蒙泉以果育兮貫九坎之澗澗也何沈沈以磕

新成先生集 卷一  
一  
八  
嗑兮嗟懸沔與流沫也沃曜靈而蕩素魄兮眩  
鷺浴與魚麗也相廣陵之八月兮駭楚客以往  
觀曰廬阜之有懸瀑兮斯伉竒而儷妍勢搖目  
以奪精兮聽傾耳以侈思心與齋以偕入兮神  
恍慌其俱馳故其為形也仰飛練於遙空兮若  
銀潢之靈派亦既邁而俯鑒兮羗瀆滉其可恠  
方五精之在冶兮或踴躍而不化泫若繁露之  
泫泫兮湛金掌而未晞相秋榆之布旻兮爰爭  
泊而竟暉大砾崩以擊撞兮小鮫珠之續紛前

若伏而復見兮繼始屈而終伸故其為聲也岩  
谷礮砰以交響兮曲溜洶洶以相效石竇汨汨  
其溢濬兮寒流浙瀝於澗道或振金鏞之泠泠  
兮或拊玉磬以會節或按緩調於倫箏兮或扣  
湘絃而幽咽或揭華鍾於鯨桴兮或發其鏜之  
鳴鼙或殷隆豐於山陽兮或鏘玉輅之鸞和歟  
兮若萬騶之赴敵兮競役軀而忘返飄兮忽兮  
儼流飈與迅霆兮卉無巨而不偃若乃濯錦磧  
之瑰磊兮漸九臯而亘長洲漑瑤支於九畹兮

漂玉蕤於上游散金烟以積霽兮浮輕雲之緝  
素䟽石髮而擁海藻兮媚潛虬而載泝萃虫魚  
之澆滯兮嬉納新而吐故拳白龍於翠潭兮遊  
玄龜於丹涯玄夷逞徠於茲兮珮蒼精之瑯琊  
祛魍魎以跽伏兮夔魑遠而去之明神宅而在  
御兮奠青檢以與沉圭諒希光於至人兮秉至  
柔而罔虧亂曰擷芳華於貝宮兮吸明漿於龍  
堂採神葩而諦玩兮縈同心之瓊英挹洪潤以  
澡身兮酌回淵而洗心晞予髮於赫旭兮迢大

化之高深動而與陽同波兮胡寧與世而浮沉

蕪山逸叟賦

有玩世之丈人既秉塞而抱貞徵重良以苾志  
不出位而運精爾其騰妙譽於梁苑沛皇波於  
衛畿壯錦城之幽討嘉宛葉之鴻熙乃眷西顧  
慨焉繫思感孤雲之納岫眺松楸而興懷商落  
日其跂望矚豐陽之幽隈鬱鬱嘉林撫撫廣圻  
嵯峨呈秀翦蔚競輝璇源在左玉梁右飛洞宮  
苔織石竇烟霏脩篁隱天瓊葩麗暉星文日藻

揚榮奮蕤婉如清揚在彼翠微龍珠綉珮彩鸞  
承旂雲構峩峩桂宇攸居願言從之不能振衣  
神往形留室邇人遠乃作歌曰煌煌靈芝歲三  
芳也桂樹連蜷燁燁洋洋也商山漠漠惟予鄉也  
我有遐思誰予將也瞻彼七襄罔報章也山中  
人兮永相望也丘中鳴琴儼琅琅也蘭儀蕙質  
彷彿相狎也採珠拾翠從兩凰也輕霞飄裾霧綃  
裳也我欲致之瓊瑶英也愛而不見思未央也

水晶盞賦

西亭子觴予會景之亭出水晶盞焉命曰子  
能賦諸顏唯唯而賦曰

有太陰之凝魄抱玄英之至質發坤藏於重良  
托哲匠而呈則既騁技於刀鋸巧天然而弗飾  
元精既理於馬從規馳若遺景駐無藏疵方宜  
凌厲乎鑿落孰執熱而不融胡浮漚之在掇羗  
有當而能容若乃瑤宮燕宴桂館嬋娟闢琉璃  
之甲帳綴明月之高懸幽蟾散馥素姬承盤挹  
上池之靈漿酌明水於金仙席之玄茵薦以蒼

延覆之冰穀繫以霜綸澄望若空和泠泠然含  
有於無匪色而妍惟德其物御惟哲人

兕觥賦

爰有物形洞衷外熒巨本銳末密理含聲圓乃  
應規直弗中繩長庚卻屬利謝欒槍百夫莫扼  
七升斯盈置安而安或挹則傾合以飭嘉若著  
觀兵惟愚不識設辭請明曰此夫產潘冢而南  
海之游與羣虎犀而肖犂牛與茲非負其敢興  
戎長兵毒鋒也邪禹高所錄隸首之紀耶郭贊

文德詩詠酌彼卮舍伊走曠而媚我雕几用代  
飛羽而以糾愆禮者耶繇之則治雅不由則叟  
之矣也耀威於懽非又悍也厭厭無歸不為酒  
也作氣張勢雖樂不廢取類稱名其惟兕觥

梧桐落葉賦

序曰循祿窮海忽焉入秋獨寤空冷感茲  
葉悲少壯之幾何耻尺寸之不效因言素  
抒我幽隱非若嘆息流光惜丹華而愁素髮  
者也賦曰

何朱明之不處兮俄金祗之振節鼓三陰於璿  
籥兮桐應候而飛葉墮金井之離離兮下瑤階  
之琤琤音中律以諧商兮孰辛酸之可聽若乃  
逐回風兮紛舞與靈雨兮俱零辭故枝兮無語  
宛長逝兮含情近抱根以若親兮遐乘颺而翔  
漢乍縈蔓以潛跡兮忽出林而自見徘徊曲榭  
飄颺環堵若往若來如泣如訴風簷簌簌亭臯  
蕭蕭形孤影隻群萃朋邀托響天末借光日表  
委茲輕質游夫縹緲故有蘭臺苔繡金屋螢飛

鑿團圓之朗曜覩嘉樹之漸稀蛾眉頰兮素心  
結怨莫怨兮新離別紈扇恩情中棄阻白紵陽  
春為離舞亦有江潭逐客關塞征人撫青柯以  
流盼慨沃若之非心御重恩兮報無所悵佳期  
兮歸無因目千里兮湛湛恠陽烏兮先人若夫  
烈士愴神雄心感遇惕脩名之將墜恐芳華之  
逢暮情飛乎九岡之陽魂銷乎華平之坻腸一  
日而九迴夜十起而未已耳驚其聲目不成視  
扳條撫膺憫時悼已鼓神劍以無歡援鳴琴而



新兩城先生集卷一  
失理斯悲之極致非離思之能擬也

復齋賦

復齋者承休王別號也王見賢如渴率履不越  
覽古之外一無所好肆厥誕祥迺屆冬至蓋在  
易則地雷為復一陽始萌爰取諸易以名諸齋  
用以觀象玩占稽占攷變匪惟寶之中心好之  
匪惟耀之厥惟懋之云爾某為作賦以演其旨  
詞曰於懿喆王實行昌苾璇紀分桐靈根遐陟  
馳墳史之藩囿獵軒虞之崇丘澹玄心而自穆

泛神區之華沕筮至中以下稽建廣大而為郭  
七八九六是焉呈材極深研幾爰聖爰臚席剛  
柔以為茵揭變通而為幕覽易簡以為玦珮吉  
凶而為錯撫帟編以永年謝世紛其若擇曠兮  
况兮遊罔象兮泊兮湛兮涵虛鑑兮爾其赤奮  
獻歲玄英肇月昂殷辰升葭飛荔發景臨圭而  
光延暉南斗以離離回龜宿於瑤衡寒谷煦而  
既吹惟是秩筵斯張華簪載合芝蓋九葩輕軟  
迨還劒鳥若丘冠綏其颭叢若繁露來如流雪

羣真朋之鏘鏘降靈園以趨趨揖浮丘於廣庭  
弭鶴軒其雀雀鹿矯矯以獻華鳳蹲蹲以承旂  
猗白鹿而撫瑟擾蒼虬而吹簫繁肴庶羞窮海  
極陸之味陽阿越榜澹緩結激之音嗟難得而  
殫日寧覩縷而悉之要則嘉會成禮不繼以淫  
豈匪人之為比詎滄海之厭深中洲之彥四方  
之弁檀橫議者擬稷下之盛曳清芬者揚兔園  
之風摘藻則燁若春華喻旨則朗若秋榆吐辭  
則傾如懸河待問則捷若扣鍾鼓皇流之滴蕩

遷固其雄也發灝氣之鴻濛屈宋其宗也彪三  
五之組繪淵雲其崇也總遐篆之綜緯董賈其  
豐也既酒數行王振衣而起前召有斐大夫授  
簡而語之曰夫才士抽翰鞞悅增麗智夫節說  
景緯載縟吾與斧藻其染不若斧藻其德也願  
子惠音以繹復義吾齋燁燁其有暉乎有斐大  
夫自辭不能讓於洞極先生洞極先生逡巡而  
進再拜而稱曰夫文以辯道詞達則止何麗之  
為故海藻放言實乖物則七襄報章罔契言銓

予願食實未暇撫英也王曰唯唯洞極先生曰  
式金式玉昭我王度幽贊神明匪繇象數爰協  
先天心畫妙悟乃春寡昧綴言式怖於惟淵與  
至於復之時義大矣哉聞之師曰物不可以終  
盡剥窮上反下故受之以復在易則曰復其見  
天地之心乎玄之周曰陽氣周神而反乎始物  
繼其彙然則剥而後復復生於剥靜極而動有  
耶故曰不有動乎靜將疇依不有靜也動奚資  
始故復之為義真於四極綜乎庶類放乎洪纖

經乎精粹何有何無昭天潛地大槩有五可得  
而贅也元會運世是以為經劫復乃成星如歲  
如是以為紀歲復乃名弦望晦朔是以為候月  
復乃形日辰遞隱是以為則日復乃稱天人乘  
除是以為關心復乃生爾其睢盱草昧數窮於  
紀大撓輟策容成已計天不兼覆地不周載四  
鰲焉將八柱既礪嶽石為之飛灰沃焦為之塵  
起既而玄黃剖判提筆初元步天元泰德政攸  
敷以和五美百揆咸都啗亟啟化盪於無隅信

道致詘詘道致信混混淪淪泰始為之門是曰  
劫復凍登赤天宴入玄泉東壁昏中顛頊御權  
雖萬寶之已殷嗟生生其殂落懷陽濟之如綫  
詎羣陰之可奪既而重淵氣振宜凌斯潛鼓微  
陽於金竹闢柔邪之欣勅噓枯吹生性歸其芟  
物罔殺而不昌理有往而必來蠢兮動角兮觸  
有無盪變化斛萬物熙熙皆出於機是曰歲復  
若乃三五闕兮二八值顧兔潛形玄蟾掩跡魚  
腦胖胎歆焉失實芳蘆環之迴毀俄金鏡之已

匿既而夜光何德厥又育旃肱兮含光魄乃生  
焉萌神莢於玫瑰吐靈桂於芳纏溟漲激而增  
波方諸霏液於承盤鼎乎其升是焉為惴是曰  
月復若乃曜靈委照竣鳥反舍虞泉懸車連石  
息駕歷被作噩淪於淵獻時哉嚮晦明夷不見  
燭龍燔兮其既燼也群動怕兮未之朕也既而  
周三千而已竟旭離回之至精信行健之匪息  
實躋竒於虛羸角宿睽睽搏桑爛也長夜漫漫  
其發旦也曲阿晻晻其有煥也三號卒明在日

觀也是曰日復若乃天人健於一戰勝負占其  
臞肥情為之機方諸釋括攻取之岐喻彼焚絲  
或遺玄珠於懸圃或舍靈龜而觀頤醉美湛於  
冥駸元神逸於外馳既而四端見五官理蒙泉  
滋其始涓牛山蘖其嘗美幾希於夜氣之息撫  
然於為間之際憂悔吝者存乎介震無咎者存  
乎悔以見不見之形以抽不抽之緒蓋欲闢始  
闢聖途伊邇微乎微乎不行而至是曰心復王  
曰躋哉然則心復要矣洞極先生則曰夫二義

同科咸命厥真萬物紘紘咸保厥醇終則有始  
堯化凝神孰是剝復而相循唯此玄竅操存舍  
亡爰比奔駟亦譬喪羊上善不習內直外方次  
勿抵悔率是中行迷凶不已於用何減惡不在  
細善不必類傾步陟遐功虧一簣磧矣名實樞  
機內視天下歸仁一日克己先生之言未既王  
避席抑手顧謂虛微子曰煌煌姬象灑灑羲旨  
孰我悉論達於豐豐今子大夫賦之旁魄汪濊  
在昔峻宇攸戒五子靈光徒妍匪伊德貴寧若

斯言踰彼綢綺銘室作規我其顧諟

壽賦

演大人之鴻筭縣不知其所際唯往歷之載閱  
已七袞而踰二值初度之穀朝矧陽月之涓媚  
百昌潛以昭蘓既剝極而復至景澹澹以柔舒  
霜肅肅而遵霽若乃揭脩幕兮邃宇肆瓊筵兮  
粃救獸火然兮突夏颺青烟兮蘭炬凍歆四酬  
兮清瀝鼎孺和致兮孔取皋比陳兮黼籍奉玉  
體兮安適臨觴兮欲揮意中憾兮或戢萃子姓

兮在宗羅長跪兮肅雍嬰穉織冉以承膝媵姪  
魚貫而致恭幸鶴顏兮一逞極羣心兮懽通恐  
穆情兮不樂又恐為樂兮不終嗟一息之摧慕  
遭斯辰以何艱乍淒迷以瞻座昔何雙兮今何  
單彷彿象服兮在右俄隻鳳兮東蹲魂交飛兮四  
佚忽儼若兮斯存樂莫樂兮壽而固悲莫悲兮  
終寡怙悲心極兮樂悰微胡不少留兮待予歸  
伯勞東兮燕飛西兒心悲兮不敢啼泣已竭兮  
乾無滋吞復咽兮誰則知他人知兮猶可為大

人傷兮焉憫之設左語以更端兮懲哀緒而矯  
喜時黯黯共將夕兮賓迭興而攀卮大人既舉  
而復駐兮晚金兒心之良苦華燈錯以映欄兮影  
提提而酬旅亂曰尊於柔旨兒手醜中厨臠膳  
婦虔治含旨茹芳鮮嘆咨大人千歲兒偕期

莽草賦

予道商顏谷中見莽草橘葉桂莖丹萼素蕾  
意若自召只不儔凡卉者厥形麗矣然一葉入  
吻百內潰裂是何形情之詭與予始撫而狎

之繼知其然委諸絕壑彌嘆而去旋復自咎  
夫已既已知矣而不以詔人不仁是草有負  
於造物甚厚不厚誅之不義廼追製此賦示  
之來詰毋若予之始狎之也

豔山兮神丘麗水兮炎洲祥芝兮九葩赤葉兮  
璫流既採服以返精兮亦練餌而千秋胡茲植  
之獨戾秉駁氣之弗協生百需而無益獨戕物  
而呈捷緝藹敷芬蒼條輪囷素苞冒朱縹茸施  
殷乍斂乍開含嘻含嘖葉不辯橘莖不分桂業

英周柯益津豐媚曰旋樞之流精與皋塗之麗  
卉孰凝爾質俾疑厥類熙榮外揭酷氛內藏危  
鋒誤觸颺迅機張彼太行之陰產紀炎經而已  
習未若茲之可翫貽永感於一吸弄影濫沈之  
止托跡蘋藻之濱殖中逵而揚意挺脩垆而驕  
神瘖馬飲波倦旅息蔭將淫毒之有加曾自知  
其已甚后皇申嘉錫泝慝均化光覆露渥涵淇  
陰陽宣照明受命誠不遷美利咸各正厲滓何  
偏滯範茲不肖形矜已若不足害物為有羸

以作賦敬陳明則比物聯類具懲賊德其詞曰  
秀色可飡言若醴飭貌深衷詎測底觀莽草兮  
類若子覆人邦家利舌齒白者膚革黝者理觀  
莽草兮類若子金石示剛脂韋裏覆却色沮觀  
者鄙觀莽草兮類若子疏節濶視澹無滓嫉刻  
填膚唯有已面而頌兮背而訾觀莽草兮類若  
子

罪鬚賦

予試童生見有魁梧而甚鬚者命作此辭不諧



吾意遂援筆製此以示風焉辭曰遵彼旄丘莫  
赤匪狐叔兮伯兮有髯丈夫爰自鄉甸來適都  
市曰往試乎偕彼童士童士曰嚇于思于思譽  
髦方臻爾胡為哉兵衛總總大夫在公髯于衆  
中緣階自東既旅進以獨聳指危冠而上衝乍  
引領以斂翼忽脫頰而露鋒於是髯也俯而不  
昂肩高頤隱欲蓋彌章大夫曰髯前吾語汝道  
遠云來跋疐良苦汝其心童而貌則瞞顧名思  
義人其謂何髯謂大夫失之子羽長揖不辭

歸有處既歸返舍盛氣自厲攬玄錫之光華鼓  
金錯之利器鏗將舉而未下先聲罪而矢意曰  
陶無見膚其以汝貴何吾殖汝廼貽棄累凡吾  
百體纖悉有以齒決爪搔冠以髮紀睫衛離朱  
毛通肺理婉彼兩眉所占無幾輔頰匪尺而據  
喻中實煩有徒汝吾奚功發論則附以作勢微  
詞則鬱而不通解顏而燦然之美若失長嘯而  
宮商之旨弗融雖有嘉食淋漓引膩雖有麗服  
覺我形穢流火之期揮汗成雨紈扇弊搖亟麾

不去積塵為垢積垢為蠕無而不治疹其興諸  
是用多方前理拂䟽嗚呼子鬚汝大負予上官  
見憎職汝之居龍蛇之蟄時有卷舒寧不少潛  
以忍須臾顧乃森發爭張競挺參鬢侵顴翼腮  
蔽領黃氛繚繞赭茸不整使我染翰無光吐氣  
不揚誓將決汝離彼故疆已而鑷人呈技待詔  
獻功芟莠搜剔根株斯窮長條冉冉以錯落弱  
苗離披而飄蓬既乃假寐隱几憊然自喪鬚作  
人言見夢陳狀曰予受命與子形俱妍媸在子

不在吾鬚內克外瑩血氣有餘赭茸不整  
中枯不曰妍乎綽約妙姿黝光可鑒玄珪載重  
毳毳長揚清飈吹之落落喬松麗葩施之吾於  
此際何負人為且夫鼎龍墮小臣之泪編虎設  
尼父之戒賁須上興和樂示愛子之無情一何  
自壞禮云斯須不可去身我須我友詩範人倫  
智者不拔一以利世何吾子之棄彙而捐親

登壇賦

漢南郭外有土一簣云是淮陰拜將壇也予

登而思思而感不知歎歎之無從焉遂永言  
賦之云爾

凌脩坻兮陟敦丘睇中微秀麥漸漸雙流夾馳  
綺寮被蔓文桁交滋洞廊掩日隙風淒其延中  
梁以永眺頰漢沔之波迤諦昔人之陳跡既山  
川猶若斯唯安危在一語偉決策其如機躬北  
面以鞠質符受命以抱著靡畫弗受靡受弗施  
嗟亡命兮一介胡相國而先竒疑多兮舍廢謀  
叶兮岳隳非龍顏以天授孰擇言而用之勢無

伸而非屈事有鉅而基微覽振古之所遭悼風  
雲之曠期情邈然以遐寄涕承纓而縷縻結蘭  
茗之脩怨積雲壑之崇悲撫逝運以誰咎長終  
古而為思亂曰南山嘉樹以時熙何不來遊將  
後時中流淫淫無楫維嗟獨濟此柰何為

靳兩城先生集卷之一

靳兩城先生集卷之二

東魯靳學顏著

古詩

清流太守入 觀僚吏祖焉而歌其榮寵  
然也

清流湯湯維其東矣大夫北征我心忡矣匪棘  
其程式是國成不遑啟寧

大車既攻良馬既六鹿輪朱軒服其命服旗旄  
招招負弩有肅大夫夙夜以朝 黃屋

於赫明堂亦鑠有容玉珥璆只羣辟來雍秉珪  
獻琛殊方既同惠允令儀 天子之崇

天子之崇曰維民只享有嘉樂錫有隆祉其祉  
維何綸綍之諄五穀之敦百祿之殷

涓流四章一章章七句三章章八句

汶之水憶親也

汶之水瀰瀰兮誰使爾終逝兮

汶之水瀏其流矣我心日遠與爾悠矣

隰有苑柳陵有簋棗我心日積在彼芳草

駕遵于田既薄于天我聞其逝不見其還

汶之水四章一章章三句三章章四句

春日念歸也大夫傷于役久而不得省其

親又惴惴慮禍焉故作是詩

春日既暉何草不菲悠悠蒼天不我心歸父兮  
不見我獨疇依

春日既鮮何草不芊悠悠蒼天不我以還母兮

逝我七閱斯年

我行其野亦孔之震民莫不穀我獨何屯如臨

于谷如墜于淵悠悠蒼天鑒此勞人

曰予未有作亦既力止曰予未有服亦既習止

寐言則誦寤言則動人之視我亦云其燾

遵被崇林言伐其柟交交黃鳥載飛載吟誰之

懷矣詒我好音

春日五章二章章六句二章章八句

中林傷離也

中林有鳩言哺其雛我思孔艱不如荷及

中林有鳩言翼其子我思孔艱不如褐士

翼言哺之啄粒飲泉切兮怛兮我今則然

誰付我羽率彼東翥爰得我所

中林四章二章章四句一章章二句

瀘之沱憂也

瀘之沱皓皓其沙獨寐寤歌匪歌伊嘯聿懷多

悼

瀘之隈湜湜其洄獨寐寤懷匪懷伊畏中心如

醉

瀘之沱二章章五句

北山哀也

北山有籜風其吹之人生如寄多憂何為  
我有車馬胡弗日馳我有鍾鼓胡弗日擊而歌  
之

憂來無方如影依形投陰而逃慘莫之寧  
人亦有馳亦有歌也疚夫煢煢誰適過也  
魚潛在淵翰飛戾天矜此疚夫胡莫之然

北山五章章四句

送曾侍郎自工部遷南刑部詩

河在四瀆用澤于國為溢為徒患是孔棘 皇  
帝若曰咨汝在位誰作朕禹其往臨治惟公祇  
承夙夜蒞旃勤施不匱以日以年乃陟司空乃  
膺籙祚暨乃祖乃父至于孫子承天之祐赫赫  
明明秋官司直畀之留都以弼五秩 帝曰懿  
哉予有治臣其入毗予一人宰臣曰俞歷試乃  
績靖是南服南服孔迫 帝曰謂之無疾其驅  
毋迂爾來塗予若濟川舟予楫予

深澤誼

深澤多雲大野無人豈伊無人匪我友親石之  
磧磧激木湔湔僕夫控轡訴我馬不得前我馬  
匪云疲我車匪不脂石傷馬足水漸車帷

凌波操

我征自南我北燕遊鼓沙棠楫汎汎蘭舟疾風  
破山吹河逆流今時何時柔條敷華我採芳杜  
思子如何子不我忱我寧有他衛流活活亦何  
瀾瀾魚龍灑灑石齒齒宵征不遑賦言非兇  
南山有木工則度之它人有心人豈擇斯不諒

予懷皦日曜斯

東岡謠

高岡莫莫一何蔽虧日月星宿出其東西僊人  
三五而來友嬉蹇若木英金支雲鬣噦鳳乃在  
梧葉離離奉我皇壽萬無終期

野逸詩

易贊高尚風有考槃至人屏物鴻逸虬盤臚臚  
鉅野眇眇達觀擷英春圃契幹秋巒雲依飄翠  
星佩飛丹岫鏡鑒色溜琴寫歡偃蹇桂蓋耀彼



衡鑿粲粲蘭紉崇乃麗肇卓矣逸人執哉可攀  
惟昔有作商巖芝之餐

神山謠

神山嵯峨巨鰲戴之杲杲出日扶桑被之洞宮  
有奕在雲一涯我思其人室是遠而渥丹之顏  
灼灼其華手翳明芝在彼鳳車載音載謠順風  
而歌我思其人其儀孔都莫往莫來不我以邁  
勞心如結華歲其又我有芳鮮唯時茹之亦有  
柔旨唯時御之願言思子曷其慰之

靳兩城先生集卷之二

靳兩城先生集卷之三

東魯靳學顏著

樂府

煌煌京洛行

桂華奕奕采采織手人可以食鮮可以飽解一智

數可仗不如忠信譎哉周叟賊首是訓褫解二之

子撫其遺論孱工代匠知而未盡解二逋播允蠢

赤鳥孔謀苦口多誥殷庶以孚龍蛇起陸天地

反覆此誠而逸彼機不觸解三晁生智囊一何頻

頻響不遠聲形不辭影解四誰能範錫不以其鈞  
誰能折獲不以其斤危人利己嗟矣儀秦傾佞  
多筭不淑而身解五

獨漉篇

獨漉獨漉南山采菽實落見其歸抱空腹翻翻  
之葉下有雙足不烹而食誰分甘苦馬無懸蹄  
牛有下齒射工伺影含沙于水琮璜之瑕與美  
不磨人知其一莫知其他杲杲扶桑東方既昌  
繁星何為不斂其芒虞有伏括鸞有長翎虎欲

鬻人不敢入城

悲歌行

驅車太行顧眺邨鄆雲氣冥濛虎豹當關解一大

河中斷左奔右榛下馬問道不如居人解二天風

四興擊筑悲歌十月無褐子寒如何解三矧弋在

林罽羅在野雀饑欲啄翩其來下解四逝從黃鵠

爰適我所誰哉此離嘅其寤語解五桑之沃若其

黃而零當樂不樂誰俟河清解六

遠遊篇

廣輪一何窘思欲遠遊行天駟為我馭格澤為  
我旌舉手揖時人各各羨且榮警纒始琅海俄  
旋崑丘駟南邁巨朱垠北驚涉玄冥羲暉未移  
晷條已集玉京玉京何迢迢迢迢殊無并冉冉  
謁靈圉剌剌佩羣星忻悲從此遺長年固童嬰

秋胡行

洪波浩渺渺日夕臨高丘洪波浩渺渺日夕臨  
高丘我生一何寡諧不善自為謀中年值家難  
紛此逢百尤窮朔天地閉龍蛇不言柔閉關務

內營君子何所求歌以言志日夕臨高丘解莊  
敬德日強和樂福之輿莊敬德日強和樂福之  
輿委心超域表憧憧夫何且五嶽不礙太宇水  
流東西成渠飾讓不足拙示有餘恩怨可邀世  
人爾勞與歌以言志和樂福之輿解二不履太行  
險焉知人道難不履太行險焉知人道難日月  
會當虧盈賢聖有疾患外尤良易遣內干信難  
蠲少思寡慮飲和得自然順逆若一愚者以全  
歌以言志焉知人道難解三宸居一何麗洞啟見

神娟宸居一何麗洞啟見神娟長跪問道神娟  
云何得度長年啟齒欲告含而弗言傾投五體  
始授一丸至道不煩無為自尊歌以言志洞啟  
見神娟解四至人冲和氣物莫能害傷至人冲和  
氣物莫能害傷昆吾之鈺但能切至剛不如上  
善德無與強聖人執符避陽萬物芸芸來王明  
堂順候六合昌歌以言志物莫能害傷解五河水  
作春聲原上生百草河水作春聲原上生百草  
人靈信多技何如此要眇衰容逐華謝誰能久

鮮好日晏臨路嘆永言慕三寶雖有駟馬加璧  
不如坐進此道歌以言志原上生百草解六前却  
無觸闕晏坐覽八垠前却無觸闕晏坐覽八垠  
誰者當從遊得道之高真日榆扶雙轂靈雲疊  
華茵縱體不知屈凝然神不震此樂世希有難  
可與人論歌以言志晏坐覽八垠解七

升天行

躡景乘二躡揚旂迅五雲海風吹琪樹飄我青  
霞巾輕舉歛若颯仰見衆仙人酒酣躡崑丘散

髮騎蒼麟手摩赤日丸渴吸銀潢津上帝顧我  
笑與爾齡千春

鷄鳴篇

遂障夷為田走馬游于郊拔劍塞前裳出門君  
當傲不憚山川險但慮君不遭君家據名都浪  
迹泊吳會青霞結君裾垂虹攬君帶桂枝抗君  
旌彩冰鏤君珮聯翩三四友各各有所治誰是  
君同心一兄復一弟弟射南山虎兄張北渚羅  
無餌那得魚昏暮少經過君家門前樹一樹分

兩柯思為樹端鳥時時繞君家

遊仙詩二首

登頓丹之丘採藥駐童年青梧隔鳳啼玄豹翔  
我前金骨鍊不滅巖巖踏欲穿日月兩崖下跳  
丸信同然所採非金石聊為識者傳

其二

白日之所沒乃存金天西咸池沸不流若木高  
無枝飛輪度弱海戴烏回六螭方山曜圓象群  
動隨跋鷄盈虛有恒數萬古常若斯

塘上行

掩抑膝上絲彈我意中悲東風吹君耳君否一  
聽之不悲君莫思思君悲莫知沙蓬轉千里水  
萍常戀水兩物無根蒂無因逐君子明月施未  
光微小何不照君心遂東流回波無時到黃金  
春作粟白玉剡為檜赤心不得力定當遭君怒  
豫章生千尺冉冉施小草都梁信多芳椒蘭不  
掩好今日握手樂飲酒保黃耆

步虛詞一首

霞幃振晻藹華蓋紛相隨前導六蒼虬手翳五  
明芝空飄一何勁吹我曾不逢閭闔闢九關三  
天澄無涯靈氛自繚繞玄籟各參差似若有無  
際所見不能辭

其二

玉虛信寥廓金景絕埃端懸足瞰弱海鳧鳥輕  
且寒真朋皆羽流被服顏色鮮解我赤霜袍貽  
授南華仙報我一丸藥云是長年丹此方自希  
夷靈寶合自然世人餌刀圭所務一何愆膏火

相薰滅殞墜有其緣

上留田

隴麥隰稻縱橫生上留田瘠磽尚可耘耕上留  
田禾生一本殊莖上留田葉葉相扶不傾上留  
田戒爾世人毋相瘡上留田吁嗟相瘡不如友  
生上留田

烏生八九子

高樹來悲風晨昏無定枝啼烏爾何來一何咽  
而悲為我謂子烏毛羽幸都齊不學大鵬鳥何

戀枯株為烏言丈人聽此微禽辭大鵬乘風會  
有期中道乖絕當親誰斥鷃拂枋榆情親志不  
卑仁義何所虧為我謝世人微禽勿見嗤

黃鵠歌

黃鵠自負羽翼飛飛一何高鳴聲嗷嗷求其曹  
神鰲戴八極騰蛇乘霧行不如黃鵠遠遊翔下  
視四海雖廣多虞羅黃雀黃雀柰爾何

放歌行

芳樹何燁燁庭前列兩行春華不自保何況嗟



朝霜今日樂相樂歡宴與君俱殿上陳鍾鼎堂  
下列笙竽七十二鴛鴦各各希世姝南山為香  
鑪北海作酒觥手挽扶桑枝射落南飛鵬感君  
意氣厚拔劍為君舞人命重丘山生死一朝許  
但道俠骨香寧惜身黃土家世魯門東負氣多  
豪雄結髮已作千言賦被酒能開兩石弓觚簡  
碌碌不足學愿得破浪乘長風弱冠謁彤闕長  
袖揖王公天子不見異耻與干祿同偃蹇不自  
遂乃逐風中蓬鷓鴣享鍾鼓孔鳥遭樊籠夜夢

凌赤霞羽蓋夾龍翔仙人執手語色若鉛華光  
貽我王箱藥周游黃金堂長跪問仙人何由悟  
迷方是身若飄鴻安可久彷徨吾慕赤松術黃  
庭久不得白日不再中靈景忽西匿進退失所  
據感念長太息太息勿復云聽我歌放歌太嶽  
之高尚為飛塵海水湯湯時見不波丈夫磊落  
世既棄不如散髮晞山阿歸去任公子釣竿掛  
折珊瑚柯

扶風歌生年廿九志業不就興懷感遇歌

以言之

長纓頓赤驥芻豆不厭饑玉禾久摧折朱鳥日  
歲豨大厦資衆幹良裘貴兼皮寶玉不寶人古  
道安可施鎔鄒持綴履不如一鍊隄駉駉雖稱  
力捕鼠不如狸萬事皆倒置沉冥我固宜愠愉  
不得吐鬱鬱當告誰來日雖尚遙去日若不遲  
茲基貴乘時良田無晚菑志業乃何訐常恐鬢  
如絲朝發宛西門暮宿漢水湄緬懷龍鳳客慷  
慨傷肺脾零涕緣纓下撫劍氣如霓聊復自解

免姑置勿念之君子秉明哲行歌茹紫芝矯矯  
夸與名各言希世宜希世有榮耀支離良可悲

懷湘詩

桂有華兮桐有莛我所懷兮君不知仰眎星辰  
之行俯有山與河塊獨失所兮情柰何朝予眺  
兮極浦延予頸兮夕渚波渺渺兮愁人木湯湯  
兮交下石差差兮水潺湲皎明月兮懸空山來  
不語兮去不言彷彿環珮兮鏘其珊睇蒼梧兮氤  
氳灑予泣兮叢筠塞芳蕙兮誰贈悵延佇兮江

潛理冰絲兮邀靈娟曲不就兮金鴈寒吾不知  
天地之久長兮恙忽兮而凋朱顏

除夕齋宿二首

虛宇高兮雲薄予端居兮心玄漠黜聰明兮靡  
施冀衷懇兮上託吁嗟蒼蒼兮何由知曷予鑒  
兮不我氓遺貺靈澤兮降依霏惟茲夕兮歲其  
除懷舊感新兮未敢於憂結衷兮靡得媮扣玄  
居兮想太虛願無違兮其來蘇

其二

神之游兮何所切懷思兮下土微要渺兮臣何  
有恃一人兮作予主仰夜空兮愁延佇施未行  
兮心獨苦

長安道

金絡青絲纏翩翩紫騮馬白面誰家郎借問冶  
遊者調笑章臺側繫轡垂楊下垂楊穆穆白日  
長壚頭春酒鬱金香高樓思婦擲珠箔碧草如  
烟空斷腸

行路難十一首送兒之歷下

青林霧露濕殘月遊子結束待明發鷄鳴煌煌  
扶光長搖鞭振轡劍吐芒出北郭指東踞懷明  
珠心獨苦

其二

丹雘六翎弱婉孌澤霧南山豹須變繪繡十二  
未報章應用反羞一匹練我酌酒爾加餐柰爾  
何行路難

其三

嵐氣欲隨千林蒸黃沙赤日征心怦坂下鹽車

困駮駟流汗濕土叱不止叱不止前却疑兒行  
此應見之

其四

斗間紫氣盤龍文茂先不來徒爾云夜光按劍  
且勿歎裋衣但歌南山斫援鳴琴奏流徵下黃  
鵠出文鯉

其五

懸弧當門生汝時四方之事皆汝為二十無名  
豈英物逢人未可嘆沉鬱炎哉氛一何熾行不

辭憐汝志

其六

曲房冰簟寒絺幔一夕我眠扇夕半爾宿荒山  
汗如洗驅蚊慮蝎夜十起夢我傍亦不暇鷄三  
號征夫駕

其七

虹霓帶野石作梁蹇驢躡躡秋影長堙城新漲  
水痕定輕舟利涉鼃鼃靜山中人宿何處餐鮮  
霞衣英露

其八

石古細路無莓苔車煩馬怠中意摧三年四度  
黃山嶺七十二泉重照影影璘璘昔年人昔裋  
褐今垂紳

其九

曉拂塵襟分空樹遙指三峯綠烟霧繪城策足  
皆達人就中誰是九方歎駿離寧易售且逐  
群餒芻豆

其十

世人失意無醜好行步踉蹌色枯槁出門千人  
未可知手持黃金作乞兒爾丈夫詎終窮一為  
蛇一為龍

其十一

圖南九萬安事此鷲斯斥鷃今笑爾老驥嘶風  
逢北音一日一音不厭心慎旅情無渴饑乾鵲  
言會且歸

嗟乎行

嗟乎爾毋為鷲之煌煌爾欲為鷲之煌煌何不

托珠林翔帝傍奈何哉困蟲蟻搶榆枋鷓鴣視  
不覩泰山但聞爾音琅琅便欲覆其巢啄腎腸  
使爾毛羽摧頽口噤不能張嗟乎誰使鷓鴣既  
育且曠何徒取為羨乎而謂鷲曰不祥鷲飛乘  
空去鷓鴣竟無覩

河泊曲

兩龍扶驂導文魚貝宮十二護神書下上空明  
翔六虛翔六虛雲之際忽而來倏而逝

緱山曲

華兩城先生集 三卷  
紫金鷲管綠玉枝攢作參差帝子吹絳唇玉指  
吸芳思吸芳思懷洛浦望不見空愁苦

閶闔開

閶闔開華鍾靈鼓喧闐若雷勾陳翼翼以臨泰  
階香象載瑜龍服駕馳道鳳吹清且嘒群公劍  
鳥雁行序搏心揖志不疑猜忻逢唐虞聖禮備  
而樂該野老擊壤歌異言重譯來四方丕和無  
有害災皇心愉愉樂哉小臣跪陳酒陛下萬年  
壽

新兩城先生集卷之三

辨  
兩  
城  
殊  
生  
集  
三  
卷





